



胡景翼日記

民國名人日記叢書



胡景翼日记

中国社会科学院近代史研究所 编

章谷宜 整理

江苏古籍出版社



(苏)新登字006号

胡景翼日记

编 者：中国社会科学院近代史研究所

责任编辑：王家鼎

出 版：江苏古籍出版社（邮政编码：210009）

发 行：江苏省新华书店

印 刷：南京东海印刷厂

850×1168毫米 1/32 印张11.875 插页8

1993年7月第1次印刷

字数：292,000

印数：1—1,000册

ISBN 7-80519-481-5/K·243

定 价：7.70元

（江苏古籍版图书凡印刷、装订错误可随时向承印厂调换）



1925年李烈鈞題胡景翼遺像

目 录

一九一八年.....	1
一九一九年.....	87
一九二〇年.....	255

附录一

陕西革命纪要.....	301
-------------	-----

蔡屏藩 编述 于右任 校阅

前言

- 一、陕西民族革命思想之导源
- 二、陕西革命势力之形成
- 三、陕西辛亥起义之情况
- 四、张凤翔之督陕
- 五、留学生之派遣
- 六、陆建章统军入陕
- 七、陈树藩之依附北洋
- 八、于右任先生返陕策划
- 九、宋元愷假道讨逆
- 十、高峻白水起义
- 十一、耿直西安发难

- 十二、张义安起义三原
- 十三、靖国军总部组织之困难
- 十四、东路军三次西安之围攻
- 十五、西路军西安之围攻
- 十六、樊钟秀加入靖国军与张钫之来陕策应
- 十七、刘镇华入陕助陈
- 十八、陈树藩大举渡河
- 十九、于右任先生返陕督师
- 二十、靖国军之编制及实力
- 二十一、胡总指挥受骗被俘
- 二十二、西南援陕军中道折回
- 二十三、靖国军东西被围
- 二十四、南北和议之争执
- 二十五、靖国军之政事
- 二十六、直军入关驱陈
- 二十七、靖国军之余辉
- 二十八、靖国军后之陕军
- 二十九、靖国军后之陕西
- 三十、于右任先生迁道返陕解围

附录二

陕西靖国军革命同志简谱.....	347
------------------	-----

附录三

国民军第二军军长河南军务督办胡公墓志铭.....	371
--------------------------	-----

于右任 撰

一九一八年



九 月

阳历九月十九日

予入陈军。①

二十日

驻南焦家。

廿一日

到渭南。张飞生带一营余人伴予行，沿途甚惶惑，似恐予之飞去者。过河后，沿途队伍见予，行举枪礼，言语之间，亦觉重视予。

廿二日

王香富伴予入省，驻此楼，在督署东北角，予切音〔细声〕呼为〔之〕至。楼下有守兵监视。日用起居颇不恶。此楼孤悬如海岛。予亦不妄自菲薄，遂窃为拿破仑第二云。予常慕关岳之为人，人有以“春秋”之名赠此楼者也。②

① 打印本首册日次混乱，现按顺序整理。原日次为12月22-29日；9月19-22日；12月30,31日；（阴历）八月廿九日（即阳历10月3日）……

② 打印本原缺9月23日-10月2日十天日记。

十月

八月廿九日^①

予与友人谈。□言当今过渡时代，自相斩伐，何必执一！谁为谁死乎！予云，专制国死君主，共和国死法律，乃不易之理。晚清末年士习于偷，故每况愈下，早言共和国，暮倡帝制，解散议会，开演复辟，寡廉鲜耻，朝秦暮楚，乃至今日，如洪水之汎〔泛〕滥，如虎兕之出柙，魑魅昼行，率兽食人，人心险恶，甚已至不可收拾。若再不绳之以法，吾恐中国之亡无日。孔子云，“道之以政，齐之以刑”，此其时也。

写家信一封，大致不过报告予无恙。

【八月】卅日

予晚与督军、参谋长谈话，大致不过以陕西有为之地及有用之人，而不能肃清中原，不免助乱，实为可惜。又言，董振五^②函云，督军有知人之明，而用人或至于不诚；有治民之才，而残民乃至于太甚，为督军毛病，诚不刊之论。督军虽弗悦，然觉其言甚有价值。

① 自本日至“初二日”均为阴历，阳历依次为10月3、4、5、6日。

② 董振五，胡景翼部下，1919年1月作战牺牲。

九月初一日

陕西辛亥革命纪念日，在忠义祠祭死事诸先烈。总统被逐，国会解散，帝制推翻，又起复辟，民国几一劫不复。今虽不亡，亦不过名存耳。诸先烈志士有知，当亦泪下。

【九月】初二日

督军家眷往北京城内，民心甚为动摇。小民无识，吠影吠声，无怪乎尔。

田春耕由泾原持回【田】玉洁、武观石【信】。武信大致云，自伊由省抵原，诸凡如常，请勿廛注。闻之古语云：困心衡虑而后作；又曰，“英雄多陋。然所以造物如此其刻忌者，正是动忍吾济心性，曾益其所不能也。吾弟达人，不待约〔细〕言，自能安于时世相造之义，何必汲汲然自恨为哉！而况自身陷阱，又非被人欺弄者比。大义昭昭，孰不心折而顶礼之，复何咎心之有！但希静坐安心，勿躁勿急，作淬砺锻炼之资，成扶摇直上之举，又未始非苍苍者之深厚赐哉！”语多有是处。然称吾为英雄，陆建章^①后此为最，实不敢当。然陆在吾盛时代，此时吾失败，方寄图圉，为天下笑，而陕西父老子弟受劫非浅。虽君子不怨天尤人，吾不能无慨焉。回信大致谓勿幕^②来当早报伊，以便迎接。勿幕今早北行，若能收拾残局，使陕民再苏，亦未始非伟人应作之事也。同行为彭作〔仲〕翔。

① 陆建章，1914—1916年任陕西将军。

② 井勿幕，同盟会员，靖国军成立时任总指挥，1918年11月为陈树藩部所杀害。

与刘碧如先生写信，不过劝其为善^①解决陕事，以报中国。天若眷念，必能如愿以偿也。

初三日即阳历十月七号

与何叙去信，请其来陕游历。与姜宏模^②信，劝其以地方为重，勿戚戚以予为念。翼自有知觉以来，觉世人皆待重予，而予无一事可以对住人者，予之德薄矣。右嵩到楼上，与予正谈话，而督军适来。右嵩劝予以百姓为念。予思右嵩以前对予语有是处，悔当时不能如愿焉。然亦天乎？予夫〔复〕何言！右嵩又言贾骏修可杀，该死，对子才与义安挑剔是非，故有此次之事。督军甚不谓然，盖心有成见也。右嵩亦未能明此次真象。右嵩又云，郭坚^③此次在西路奸淫烧杀，伤人至多。百姓秋未收，麦未种，明年更不得了。予甚恨土匪行动。然郭养之有年，根深蒂固，非予一人之力所能斩除。就予竭力为之，陕乱或不至此。君子不怨天，不尤人，是数也夫！予又何言！

绍卿来电，欲襄初^④家进省。襄初此次被戕，则河北诸将士之无谋可知，予不能无憾焉。劳竞九、王肃齐由蒲城来。予今日读古文、《孟子》。

① 疑应作“善为”。

② 姜宏模原为胡景翼部任骑兵营长，与胡为兄弟交，后依附于陈树藩。

③ 郭坚原为陈树藩部下，后与陈有隙举兵反陈，任靖国军第一路司令。

④ 襄初即李天佐，陈树藩部团长，胡景翼即为其设计诱捕，后为胡部下所杀，故胡在日记中经常提及此人。

初四日即西历十月八日

是日天微雨，天气晦黑，似晴非晴，似阴非阴。自余入省后，无日不如此。天怜百姓欤，抑怜予被诱欤？自河北起义后，官兵土匪无不劫掠害人。人皆上帝赤子，焉有不怜之理。百姓所受之惨状，为予初所未料及者，可慨也。

自清末叶，世人放恣〔诞〕，恒谓天道无知；就〔然〕每遇有战时，天必阴晦。前年送陆建章往京，天甚晴朗。忽枪声一作，而天即大风晦暝。盖天以好生为德，即死伤一人，亦上帝所必矜也。

子敬兄来，言襄初父李老伯伯悉襄初噩耗。年逾七旬之人闻子死，其悲惨之状必甚，能不表〔丧〕明也耶？予此次举义未克成功，而朋友因予以死，无补于时局，无报于陕民，真令人愧死。姜宏模谓予为朋友革命，盖不诬也。曾钦尧、曾子才来见予，未晤。后见子才甚喜。予亦觉为旧日老友，一见无恨意。然则予此次只害百姓耳。或予与子才天良均厚，而其才有不佳耳。钦尧予甚愿见，惜未见耳。竟九、肃齐在古岳处相见，对蒲城击耿直事甚夸大。盖贪天功以为己有，恒人常情，无足怪也。然天下事每因此而另起风波，可不慎哉！

今早读《孟子》、古文及看清外史《庚子使馆被围记》。又见憨玉崐，字润卿。其人豫军第二路司令，河南辛亥前老刀客也。闻人云，其脑筋甚活动，其性情甚和平，善于应酬，故一般人乐与之游。周至知事郑干^①臣来，云以前人有诮其与予通者，并云昨伊同憨润卿等进省，樊二等仍住终南。近日此处军队常报得烟土，而其敏始终未曾退步，则所得或非战利品而为民间馈赠者亦未可知。干臣又云，伊欲印李二曲^①先生集，欲删多就少；并

① 疑“干”应为“翰”，见后11月9日（阴历六日）记。

叹近世之人不乐读书，多则恐不能尽读。予觉此举无益，既不欲读书，不论多少，即强之读，不过【过】屠门大嚼，终不能获实效，何必作此因噎废食之举，而贻后人以断鹤足之讥也！其扬关学之意，在此末世亦属可嘉。又云，伊现已买石镌碑，将二曲先生墓碑“清征君”改为“关中名儒”；盖二曲先生并未受征，而有攘夷之心，换之亦属得当。

初五日即阳历九日

晚写家信，内有“若不思念二位大人及苦战连年之兵士，则举河北一切尽忘之矣”，盖慰亲心也，不知亲心果能慰否。亲父母在，当不远游，予罪大矣！

昨晚半夜大风，声震屋瓦，由西而来，盖苏子所谓秋风也。微雨前，看英使马戛尔尼《觐见清帝乾隆记》，言当时中国驿站传递文书较德法为迅速，则数十年前西洋交通尚不便利也。又言旗人松某及广东总督长某为能办外交及知国际法。满人在中国学识最为浅陋，则西洋当时学术亦不甚发达。然当时中国国度尚强，无媚外之意。惟满朝不知国际交涉，妄自尊大，全无实力，不免使人窃笑。而对于觐见之礼节争之甚力，卒从英使议，尤属无味。

襄初死，李伯父闻耗后非常痛哭，使翼几无地自容，不戢不足以对朋友矣。与姜宏模拍电要零用钱。省中银根吃紧是其一因，而用吾弟钱，吾弟必乐与而心亦少安也。看《庚子使馆被围记》。当时各国兵士亦有怯懦不堪一战。惟日本兵为勇，德、法次之，其最坏者为意、美。军纪最坏者为俄国，在战斗激烈时尚欲奸淫妇女也。公使除德使克林德外，馀皆昧于当时大势，而外交亦多失策。

① 明末李颀，号二曲，服膺关学（张载横渠学派）。

初六日即阳历十月十日

是为双十节（国庆日）。大总统七年任满，新陈代谢之日也，是日，各处悬彩旗，皇城唱戏，设宴会，以庆总统受任。此次总统为徐菊人^①，乃此次非法议会选得，盖亦过渡人才。南北相争，各走极端，彼乃得渔人之利。人皆平淡无喜色。然闻有喜者，盖南北苦战连年，以冀徐就职，段^②必下野，得有暂时之安息也。然徐就任后，和战难必。南方或因徐就非法选举，已为违法有罪，则徐不但不能弭乱，或反失调人资格，而中国愈纷乱。或徐因自己为调人，无实权，虽唇焦舌敝无益于事，不如就位后则主持由我，而段为当然下台，不失感情，顾住面子，少许多阻力，南北必容易接近，自然能解决一切矣。如此则南【北】或即和平解决，亦未可知。但岭〔岑〕、陆诸总裁、诸先辈及长江三督、吴佩孚均有电，谓宜先和而后就职，并从根本说，则此次选举实为非法；则东海此想或为幻梦，而南北调【和】仍等泡影。况段党仍有密谋，则中国大局仍属险恶，而京津谣诼繁兴，东海誓言保全国体。夫大总统将〔为〕民意造〔选〕，而乃不信以至自矢，则其为嫌疑可知。大总统使人嫌疑，则中华民国实为可笑。可胜慨哉！杨度亦有电调和南北，所谓颜之厚【矣】，人不如□！

读《曾胡治兵语录》，语多中肯，则在近世兵家犹为适用。盖从经验得来，不同书生纸上谈兵，如闭门造车，出门难期合辙也。看《庚子使馆被围记》，当时中国政府有类疯狂，而拳匪烧杀有如郭坚。当时守使馆之兵士、水手，并无好军纪，而带兵者

① 徐世昌，字菊人，1918年为安福国会选举为大总统。

② 段祺瑞，时任北京政府国务总理，1918年10月10日去职。

多未知兵。加之以闹意见，竟至不能攻破，以至援到得救，则中国兵之战斗力可知。所谓董军者真一群桀骜之土匪及无军纪之烟儿与乞儿也，只能乱闹，与洋人送赔款耳。

与曾颂尧写信送去。是日天微晴，隐微之中可见泾阳塔。

初七日阳历十一日

徐已就非法总统之职矣，其结果尚难料也。今日有人说，贾福堂诱靖国军第一路参谋萧锡五^①，擒之，将解省。郭坚不听予言，必发无穷之悔，已实为之，焉能咎人哉！

读唐诗、孟子，看《曾胡治兵语录》。看《庚子使馆被围记》，见当时满洲政府处置外人及纵容拳匪之无状，满洲大员及妇女之无耻，各处百姓之插外国旗，中国人之协同外国人劫掠，并引入中国户部库挖窖金，外兵之奸淫、烧杀、劫掠，真中国历史万世不磨之耻，吾人可不奋兴者哉！

读唐鉴宪宗（名纯）朝，使裴度等讨淮蔡，李愬雪夜入蔡州擒吴元济，迁军文城〔城〕。诸将请曰，“始失败于郎〔朗〕山而不忧，胜于吴房而不取，冒大风盛〔甚〕雪而不止，孤军深入而不惧，然卒以成功，皆众人所不谕也。敢问其故。”愬曰：

“朗山不利，则贼轻我而不为备矣；取吴房，则其众奔蔡，并力固守，故存之以分其兵；风雪阴晦，则烽火不接，不知吾至；孤军深入，则人皆致死，战自倍矣。夫视远者不顾近，虑大者不计细。若矜小胜，恤小败，先自挠矣。何暇立功乎？”众皆服。愬俭于奉己而丰于待士；知贤不疑，难；见可能断，更难；此其所以成功。愬诚名将哉！战必胜，攻必克，知己知彼，料敌后进。李西平之子其庶几乎！予膜拜之矣。

^① 当为萧锡臣，参见本月十三日（即阳历十七日）日记注。

姚鼎阳由咸阳、李泮池由固市来见予，刘碧如亦由渭南归省。

初八日即阳历十二日

闻昨楼南某戏园看戏兵士一群，将某连长之妻由挑逗而詈骂，由詈骂而蹂躏，甚至将下衣撕破露肉，不雅观甚矣，所谓军纪者何在！此等兵若能临阵胜敌，尚可谓侥幸；而能服从其长官、不抢劫百姓者未之有也。又闻财政厅长京〔景〕函^①因以地丁抵押借日债事，派代表至，京〔景〕遂借以辞职。景可谓善于进退，胜予万万矣。此等重事，如以国与人。除景怕挨骂、辞职以外，无一人反对者，可谓人心尽死，欲国之不亡弗得也。

又闻老段辞职，中国或能得暂时短期之和平，予不禁馨香祝之矣。白弋人、原建吾由礼泉防次回省，予尚未之见。稽查处派监予之稽查王桂林号五斋，今日撤回去，另委人。或张丹屏已知彼在予处不恭，故撤其回家。予此次来省，人均能厚视予，可谓人心复古之兆也。豫军参谋金尊华号潞东，来向参谋长索军衣甚艰难。友人云，金之为人甚勇敢而有谋，辛亥为同盟会人，尚纯乎为一好人。又有傅又文者现充警察学校教官，辛亥年亦曾效力于山东革新之役者。

读《孟子》、《学》、《庸》、唐诗，又读国民党巨子张衡玉诗甚佳。看《清室外记》雍正朝杀其二弟，因其二弟刻薄自残，可谓盛德之累矣。边寿田劝予剿匪，整理陕西，几至泪下，可谓诚恳者矣。予欲请关中宿儒毛俊臣先生讲经，不悉能达目的否，现作此想耳。闻督军今日查城，看池深否，防固否，不禁欲持孟子“地利不如人和”之语为朗声诵之也。又闻倪嗣冲辞职。天心诚厌乱乎？何四凶之敛戢耶？

^① 疑为景凌霄，字涵九，时任陕西财政厅长。